



UNIVERSITÄTS-
BIBLIOTHEK
PADERBORN

Institutiones Canonicae Sive Ivs Ecclesiasticvm

Wiestner, Jacob

Monachii, 1705

In Nomine Sanctissimæ Et Individuæ Trinitatis, Amen. Institutionum
Canonicarum Libri I. Summa.

[urn:nbn:de:hbz:466:1-62620](https://nbn-resolving.org/urn:nbn:de:hbz:466:1-62620)

IN NOMINE
 SANCTISSIMÆ ET INDIVIDUÆ
 TRINITATIS,
 AMEN.
 INSTITUTIONUM CANONICARUM
 LIBRI I.
 S U M M A.



Niversi Juris Ecclesiastici materiam ac systema quinque, totidem Decretalium Libris respondentium, verborum compendiò & ad memoriæ subsidium accommodatò versu complexa est Glossa Proœmialis,

Judex, Judicium, Clerus, Sponsalia, Crimen.

Eò itaque, quem ordimur & primò illarum Librò, cum DEO Uno Trinòquè inchoatò, post jactum Catholicæ & Orthodoxæ Fidei fundamentum, traditamque toto Jure utilissimam omnèsque ejus partes latè pervagantem materiam Legalem, sive Scripti & non-Scripti Juris generalia principia, Gregorius Papa agit de Personarum per Electionis ordinariam, & extraordinariam Postulationis, Translationisque vias ad Pastorales dignitates seu Prælaturas Ecclesiasticas evectione, Palliique, Archiepiscoporum omnium præcipui & Episcoporum quorundam specialis ornamenti, Authoritate Usûque: de illarum, dignitates suas sponte dimittentium, Renuntiatione, aut retinentium in officii sui administratione Negligentia supplenda: de Clericorum Ordine & Unctionibus sacris: de ordinandorum ac præficiendorum qualitatibus, atque ex defectu aliquo Canonico provenientibus impedimentis. Dein pertractat variarum Dignitatum Officiorumque, sive administrationum Ecclesiasticarum munera:

munera: & post ista Officium ac Potestatem Ecclesiasticorum Judicium, tam Delegatorum, quàm Ordinariorum. Ab his & competente eis aliisque prærogativa Majoritatis debitæque majoribus Obedientia prægreditur ad Pactiones publicas privatæque, & Transactiones, quarum beneficiò controversiæ ante litis Contestationem & extra Judicium pactium conventionem mutua terminantur: iisque subjiuntur Preparatoria, ut nominantur, Judiciorum & Constitutio Advocatorum, Procuratorum, Syndicorum & similibus personarum, quibus negotia in & extra Judicium pertractanda committuntur. His verò constitutis proponuntur Remedia quædam extraordinaria, quorum auxiliò personis quibusdam vim metumve passis, iisdemque & Ecclesiis Contractu, aliòve actu in aut extra Judicium gesto læsis, & Actionem Civilem ex rigore Juris non habentibus, Prætoriâ & huic succedaneâ Canonica Æquitate subvenitur: & tandem Compromissa atque Arbitria subjiuntur.

